

Thabiti hadi Mwisho,

Kwa hiyi, wapenzi, kwa kuwa mnatazamia mambo hayo, fanyeni bidii ili muonekane katika imani kuwa hamna mawaa wala aibu mbele yake. 2 Petro 3:14.

Akiong'alia tangu zama zote hadi mwisho wa wakati, Petro alivuvuwa kufafanua hali itakayokuwepo ulimwenguni kabla ya ujio wa pili wa Kristo. "Katika siku za mwisho, watakuja na dhihaka zao watu wenye kudhihaki, wafuatao tamaa zao wenyewe, na kusema; Iko wapi ahadi ile ya kuja Kwake? Kwa maana, tangu hapo babu zetu walipolala, vitu vyote vinakaa hali iyo hiyo." Lakini, "Wakati wasemapo, Kuna amani na salama, ndipo uharibifu uwajiapo kwa ghafula." (1 Wathesalonike 5:3). Si wote, hata hivyo, watakaonaswa kwenye mitego ya adui. Kadiri mwisho wa mambo yote ya dunia utakapokuwa unakaribia, kutakuwa na watu waaminifu watakaokuwa na uwezo wa kuzitambua dalili za nyakati... Bado watakuwepo masalia watakaovumilia mpaka mwisho.

Petro alitunza moyoni mwake tumaini la ujio wa pili wa Kristo; na alilihakikishia kanisa utimizwaji wa hakika wa ahadi ya Mwokozi, "Basi mimi nikienda kuwaandalia mahali, nitakuja tena niwakaribishe kwangu; ili nilipo mimi, nanyi mwepo." (Yohana 14:3). Kwa wale wanaojaribiwa na kudumu kuwa waaminifu, ujio huo waweza kuonekana kuchelewa sana, lakini mtume anawahakikishia, "Bwana hakawii kuitimiza ahadi yake, kama wengine wanakokudhani kukawia, bali huvumilia kwenu, maana hapendi mtu ye yote apotee, bali wote wafikilie toba. Lakini siku ya Bwana itakuja kama mwivi; katika siku hiyo mbingu zitatoweka kwa mshindo mkuu na viumbe vya asili vitaunguzwa na kufumuliwa na nchi na kazi zilizomo ndani yake zitateketea."

"Basi, kwa kuwa vitu vyote vitafumuliwa hivyo, imewapasa ninyi kuwa watu wa tabia gani katika mwenendo mtakatifu na utauwa, mkitazamia hata ije siku ile ya Mungu, na kuihimiza; ambayo katika hiyo, mbingu zitafululiwa zikiungua, na viumbe vya asili vitateketea na kuyeyuka? Lakini, kama ilivyo ahadi yake, mnatazamia mbingu mpya na nchi mpya, ambayo haki yakaa ndani yake."

"Kwa hiyo, wapenzi, kwa kuwa mnatazamia mambo hayo, fanyeni bidii ili mwonekane katika amani kuwa hamna mawaa wala aibu mbele yake. Nanyi uhesabuni uvumilivu wa Bwana wetu kuwa wokovu, kama vile na ndugu yetu mpenzi Paulo alivyowaandikia, kwa hekima aliyopewa; vilevile kama katika nyaraka zake zote pia, akitoa humo habari za mambo hayo; katika nyaraka hizo yamo mambo ambayo ni vigumu kuelewa nayo; na mambo hayo, watu wasio na elimu, wasio imara, huyapotoa, kama vile wayapotoavyo na maandiko mengine, kwa uvunjifu wao wenyewe. Basi wapenzi mkitangulia kujua hayo, jilindeni nafsi zenu, msije mkachukuliwa na kosa la hao wahalifu, mkaanguka na kuuacha uthibitifu wenu. Lakini kueni katika neema, na katika kumjua Bwana wetu na Mwokozi Yesu Kristo." (2 Petro 3:9-18) **(Matendo ya Mitume. Uk.206, 207)**